

更以泉水二升煮百合取一升去滓又以水二升煮餘二味取一升內百合汁如前法復煎取一升半分再服

百合雞子湯治百合病已經吐之後更發者方

以百合七枚擘浸一宿去汁以泉水二升煮取一升取雞子黃一枚內汁中攪令調分再服

百合地黃湯治百合病始不經發汗吐下其病如初者方

以百合七枚擘浸一宿去汁以泉水二升煮取一升內生地黃汁一升復煎取一升半分再服大便當去惡沫為候也治百合病經月不解變成渴者方

百合根一升以水一斗漬一宿以汁先洗病人身洗身後食白湯餅勿與鹽豉也渴不瘥可用枯藁根并牡蠣等分為散飲服方寸七日三

治百合病變而發熱者方  
百合根一兩 滑石二兩

右二味治下篩飲服方寸七日三當微利利者止勿復服熱即除一本云治百合病小便赤澀臍下堅急

治百合病變腹中滿痛者方

但取百合根隨多少熬令黃色搗篩為散飲服方寸七日三滿消痛止

孫真人備急千金要方卷之三十三



孫真人備急千金要方卷之三十四 傷寒方

宋明泰師守太常少卿元松閣校理林億等校正

傷寒方

傷寒不發汗變成狐惑病第四方

論曰狐惑之病其氣如傷寒然欲眠目不得閉起卧不安其毒在喉咽為惑病在陰肛者為狐病狐惑之病並惡飲食不欲食聞食臭其面目翕赤翕白翕黑毒食於上者則聲喝也作黃毒食下部者則乾咽也此由溫毒氣所為食於上者瀉心湯主之食於下者苦參湯淹洗之食於肛外者熏之并用雄黃三片稍置瓦餅中炭火燒向肛熏之并服湯也治狐惑湯方

黃連四兩 薰草四兩

右二味以咀白酢漿一斗漬一宿煮取二升分為三服

赤小豆當歸散其人脈數無熱微煩然但欲卧汗出初得之三四日眼赤如鳩眼得之七八日其四眦黃黑能食者膿已成也治之方

以赤小豆三升漬之令生芽足乃復乾之加當歸三兩為末漿水服方寸七日三即愈

瀉心湯其病形不可攻不可灸因火為邪血散脉中傷脉尚可傷臟則劇并輸益腫黃汁出經合外爛肉腐為癰膿此為火疽醫所傷也夫脉數者不可灸因火為邪即為煩因虛逐實血走脉中火氣雖微內攻有力焦骨傷筋血難復也應在瀉心瀉心湯兼治下痢不止腹中幅堅而嘔吐腸鳴者方

仲景名中夏  
半夏升半 黃芩 人參

乾薑升二 甘草各三 黃連一

大棗十二

右七味以水一斗煮取六升分服一升日三

傷寒發黃第五論 方

論曰黃有五種有黃汗黃疸瘧疸酒疸女勞疸黃汗者身體四肢微腫胃滿不渴汗出如黃蘗汁良由大汗出卒入水中所致黃疸者

一身面目悉黃如橘柚暴得熱以冷水洗之熱因留胃中食生黃瓜熏上所致若成黑疸者多死殺疸者食畢頭眩心忪悸鬱不安面發黃由失飢大食胃氣衝熏所致酒疸者心中懊痛足脛滿小便黃面發赤斑黃黑由大

醉當風入水所致女勞疸者身目皆黃發熱惡寒小腹滿急小便難由大勞大熱而交接竟入水所致但依後方治之黃汗之為病身體洪腫發熱汗出不渴狀如風水汗染衣色正黃如藥汁其脉自沉從何得之此病以汗出入水中浴水從汗孔入因而得之

黃者芍藥桂酒湯治黃汗方  
黃者兩五 芍藥兩三 桂心兩三

右三味以酒一升水七升合煎取

三升飲一升當心煩也至六七日稍稍自除心煩者苦酒阻故也

黃疸之病疸而渴者其病難治疸而不渴其病可治發於陰部其人必嘔發於陽部其人振寒而微熱

桂枝黃者湯治諸病黃疸宜利其小便假令脉浮當以汗解方

桂枝 芍藥 生薑各三

甘草兩二 黃芩兩五 大棗十二

右六味以水八升微火煎取三升去

滓溫服一升發微汗須臾不汗者飲稀熱粥以助湯若不汗更服湯

麻黃醇酒湯治傷寒熱出表發黃疸方

麻黃三兩 以醇酒五升煮取一升半盞

服之溫覆汗出即愈冬月寒時用清酒春月宜用水

治黃疸方

瓜蒂 秫米 赤小豆各二

右三味治下節病重者取如大豆二枚內

著鼻孔中痛縮鼻須臾當出黃汁或從口中

出汁升餘則愈病輕者如一豆不瘥間日復用又下里間以筒使人極吹鼻中無

不死大慎之列繁無天行毒熱連貫臟腑沈伏骨體之間或為黃疸黑

大黃圓治同前

大黃 葶藶子各二兩

右二味為末蜜和丸如梧子大未食服十九日三病瘥止

又方

大黃二兩 黃連三兩 黃蘗四兩

黃芩各一兩 麴衣五合

右五味為末蜜和丸如梧子大先食服三九日三不知加至五九

茵陳湯治黃疸身體面目盡黃方

茵陳 黃連各三兩 黃芩二兩

大黃 甘草 人參各一兩

梔子七枚

右七味吹咀以水一斗煮取三升分三服

日三亦治酒疸酒癖

三黃散治同前

大黃 黃連 黃芩各四兩

右三味治下篩先食服方寸匕日三亦可為丸

五苓散治黃疸利小便方

猪苓 茯苓 澤瀉

白朮 桂心各三兩

右五味搗篩為散湯時水服方寸匕極飲水即利小便及汗出愈此方與第九卷方相重以分兩不同

秦椒散治黃疸飲少弱多方

秦椒六兩 瓜蒂半兩

右二味治下篩水服方寸匕日三

小半夏湯治黃疸小便色不異欲自利腹滿而喘者不可除熱熱除必瘥方

半夏 生薑各半斤

右二味吹咀以水七升煮取一升五合分再服有人常積氣結而死其心上暖以此湯少許汁入口遂活

治黃疸方

取生小麥苗搗絞取汁飲六七合晝夜三四飲三四日便愈無小麥穢麥亦得用之

治黃疸變成黑瘡醫所不能治者方

土瓜根搗汁一小升頓服日一平旦服至食時病從小便出先須量病人力不

得多服力衰則起不得

治發黃身面目悉黃如金色小便如濃漿藥汁衆醫不能療者方

茵陳 梔子各四兩 黃芩

大黃 柴胡 升麻各三兩

龍膽二兩

右七味吹咀以水八升煮取二升七合分

三服若身體羸去大黃加梔子五六兩生

地黃一升延年無節有梔子四兩結實二夫黃發已久變作桃皮色心下有堅

嘔逆不下飲食小便極赤色少四肢逆冷

脉深沈極微細連者不宜服此方得下必

變晚也宜與大茵陳湯降大黃與生地黃

五兩服湯盡消息看脉小浮出形小見不

甚沈微便可治也脉浮見者黃當明不復

作桃皮色心下自寬也大茵陳湯方次出後十一味黃是

苦參散治人無漸忽然振栗發黃皮膚黃

塵出小便赤少大便時閉氣力無異食飲不

妨已服諸湯散餘熱不除又黃者宜吐下方

苦參 黃連 瓜蒂

黃蘗 大黃<sup>各一</sup> 葶藶<sup>二</sup>  
右六味治下篩飲服方寸匕當大吐吐者  
日一眼不吐日再亦得下服五日可知消  
息不覺退更服之小折便消息之  
治發黃方

茵陳 黃蘗 梔子  
大黃<sup>各三</sup> 黃連<sup>二</sup>  
右五味吹咀以水九升煮取三升分三服  
先服湯後服丸方

大黃<sup>五</sup> 茵陳 梔子<sup>各三</sup>  
黃芩 黃蘗 黃連<sup>各二</sup>  
右六味為末以蜜丸如梧子大白飲服二  
十九令微利  
麻黃連翹赤小豆湯治傷寒瘵熱在裏身體  
必發黃方

麻黃 連翹 甘草<sup>各二</sup>  
生薑<sup>三</sup> 大棗<sup>十二</sup> 杏仁<sup>三十</sup>  
赤小豆<sup>升一</sup> 生梓白皮<sup>升二</sup>  
右八味吹咀以勞水一斗先煮麻黃去沫  
次內諸藥煎取三升分三服

茵陳湯治傷寒七八日內實瘵熱結身黃如  
橘小便不利腹微脹滿宜下之方

茵陳<sup>六</sup> 大黃<sup>三</sup> 梔子<sup>四十</sup>  
右三味吹咀以水一斗二分先煮茵陳取  
五升去滓次內梔子大黃煎取三升分服  
一升日三小便當利如皂莢沫狀色正赤  
當腹減黃悉隨小便去也花注用藥教症  
小品方用石黃

大黃黃蘗湯治發黃腹滿小便不利而赤自  
汗出此為裏和裏實當下之方

大黃<sup>三</sup> 黃蘗 芒硝<sup>各四</sup>  
梔子<sup>十五</sup>  
右四味吹咀以水六升煮取二升去滓內  
芒硝復煎取一升先食頓飲之  
茵陳圓治時行病急黃并瘵癘疫氣及瘡癩  
之方

茵陳 梔子 芒硝  
杏仁<sup>各三</sup> 巴豆<sup>一</sup> 恒山  
鼈甲<sup>各二</sup> 豉<sup>五</sup> 大黃<sup>五</sup>  
右九味為末以錫為丸如梧子大飲服三

丸以吐利為佳不知加一九初覺體氣有  
異急服之即瘵神效  
治急黃熱氣骨蒸兩目赤脈方

芒硝<sup>一</sup> 大黃<sup>一</sup> 生地黃汁<sup>八</sup>  
右三味合和服五合日二以利為度不  
須二服

治風疸小便或黃或白洒洒寒熱好卧不欲  
動方

三月生文一葉精取新者  
煎如麻家時之  
大黃 黃連 凝水石  
桔萸根 苦參 葶藶<sup>各六</sup>  
右七味六味為末以艾煎和丸如梧子大  
先食服五九日二可至二十九有熱加苦  
參渴加桔萸小便澀加葶藶小便多加凝  
水石小便白加黃連大便難加大黃

濕疸之為病始得之一身盡瘵發熱面色黑  
黃七八日後壯熱熱在裏有血當下去之如  
純肝狀其小腹滿者急下之亦治一身盡黃  
目黃腹滿小便不利方  
礬石 滑石<sup>各五</sup>

右二味治下篩以大麥粥汁服方寸匕日

三先食服之便利如血者已當汗出瘥

寸口脉浮而緩浮則為風緩則為痺痺非中風四肢苦煩脾色必黃痰熱以行跗陽脉緊而數數則為熱熱則消數緊則為寒食則滿也尺脉浮為傷腎跗陽脉緊為傷脾風寒相薄食數即眩數氣不消胃中苦濁濁氣下流小便不通陰被其寒熱流膀胱身故盡黃名曰數疸

○治勞疸殺疸丸方

苦參三兩 龍膽一兩

右二味為末牛膽和為丸如梧子大先食以麥粥飲服五九日三不知稍加之方加

夫酒疸其脉浮者先吐之沉弦者先下之夫

人病酒疸者或無熱靖言了了腹滿欲吐嘔者宜吐之方前苦參散七味者是酒疸必小便不利其候當心中熱足下熱是其證也夫酒疸下之久久為黑疸目青面黑心中如啖蒜薑狀大便正黑皮膚木之不仁其脉浮弱

雖黑微黃故之

枳實大黃湯治傷寒飲酒食少飲多痰結發黃酒疸心中懊憹而不甚熱或乾嘔方

枳實五枚 大黃三兩 豆豉半升

右四味以水六升煮取二升分三服

心中熱疼懊憹皆主之

○凝水石散治肉疸飲少小便多如白泔色此病得之從酒方

凝水石 白石脂 枯薑根

桂心各三錢 菟絲子知母各八錢

右六味治下篩麥粥飲服五分七日三服五日知十日瘥

○茯苓圓治心下縱橫堅而小便赤是酒疸者之方

茯苓 茵陳 乾薑各一兩

白朮各十錢 枳實十錢 半夏

杏仁各十錢 甘遂各一錢 蜀椒

當歸各十錢

右十味為末蜜和丸如梧子大空腹服三

九日三稍稍加以小便利為度千金其加大黃十八錢名茵陳丸治黑疸身體開黑小便澀

半夏湯治酒癖蔞胃心脹滿骨肉沉重逆害飲食乃至小便赤黃此根本虛勞風冷飲食衝心由脾胃內痰所致方

半夏升一 生薑 黃芩

茵陳 當歸各一兩 前胡

枳實 甘草 大戟各二兩

茯苓 白朮各三兩

右十一味以水一斗煮取三升分作三服

○牛膽圓治酒疸身黃翹塵出方

牛膽一枚 芫花升一 芫花升半

瓜蒂三兩 大黃八兩

右五味四味以清酒一斗漬一宿煮減半去滓內牛膽微火煎令可丸如大豆服一九日移六七尺不知復服一九至八九隔上吐瀉下下或不吐而自愈

大茵陳湯治內實熱感發黃如金色脉浮大滑實緊數者大發黃多是酒客勞熱食少

胃中熱或溫毒內熱者故黃如金色方

茵陳 黃蘗各一兩半 大黃

白朮 各三兩 黃芩 甘草

茯苓 枯薑根 前胡

枳實 各二兩 梔子 二十枚

右十一味吹咀以水九升煮取三升分三服得快下消息三四日更治之

茵陳圓治氣淋臃脹腹大身體面目悉黃及酒疸短氣不得息方

茵陳 天門冬 梔子 各四兩

大黃 桂心 各三兩 通草

石膏 各二兩 半夏 半升

右八味蒸大黃通草天門冬半夏梔子曝令乾合搗篩蜜丸如大豆服三九日三忌生魚以豆羹服不得用酒一方去石膏內

滑石二兩不知加至十九

黃家至日晡所發熱而反惡寒此為女勞得之當膀胱急小腹滿體盡黃額上黑足下熱因作黑疸其腹臃脹而滿如欲作水狀大便必黑時澹泄此女勞疸非水也腹滿者難治

消石礬石散治女勞疸方

消石 礬石 各半兩

右二味治下節大麥粥汁服方寸匕日三重衣覆取汗病隨大小便出小便正黃大便正黑

黃疸之為病日晡所發熱惡寒小腹急身體黃額黑大便澹黑足下熱此為女勞腹滿者難治治之方

滑石 石膏 各半兩

右二味治下節以大麥粥汁服方寸匕日三小便極利則瘥

針灸黃疸法

正面圖第一 寅門 上斷 上睛 俠人中 俠承漿 巨關 上管 陰 俠承漿 巨關 上管

寅門穴從鼻頭直入髮際度取通繩分為三斷繩取一分入髮際當繩頭針是穴治馬黃黃疸等病

上斷裏穴正當人中及脣針三銜治馬黃黃疸等病

上脣穴入口裏邊在上縫赤白脉是針三銜

治馬黃黃疸四時等病

舌下穴俠舌兩邊針治黃疸等病

脣裏穴正當承漿裏邊過齒斷針三銜治馬黃黃疸寒暑溫疫等病

顙顙穴在眉眼尾中間上下有來去絡脉是

針灸之治四時寒暑所苦疸氣溫病等

俠人中穴火針治馬黃黃疸疫通身並黃語音已不轉者

俠承漿穴去承漿兩邊各一寸治馬黃急疫等病

巨關穴在心下一寸英七壯治馬黃黃疸急疫等病

上管穴在心下二寸灸七壯治馬黃黃疸等病

男陰縫穴拔陰反向上灸治馬黃黃疸等病

若女人玉門是穴男女針灸無在

覆面圖第二 風府 熱府 肝輸 脾輸 胃後 脾

風府穴在項後入髮際一寸去上骨一寸針

之治頭中百病馬黃黃疸等病

熱府穴在第二節下兩傍相去各一寸五分  
針灸無在治馬黃疸等病

肺輸穴從大椎數第三椎兩傍相去各一寸

五分灸主黃疸通治百毒病

心輸穴從肺輸數第二椎兩傍相去各一寸

五分

肝輸穴從心輸數第四椎兩傍相去各一寸

五分

脾輸穴從肝輸數第二椎兩傍相去各一寸

五分

腎輸穴從脾輸數第三椎兩傍相去各一寸

五分

脚後跟穴在白肉後際針灸隨便治馬黃黃

疸寒暑諸毒等病

側面圖第三

耳中類象

手太陽

木衛

耳中穴在耳門孔上橫梁是針灸之治馬黃

黃疸寒暑疫毒等病

頰裏穴從口吻邊入往對頰裏去口一寸針

主治馬黃黃疸寒暑溫疫等病頰兩邊同法

手太陽穴手小指端灸隨年壯治黃疸

脾石子頭穴還取病人手自捉臂從腕中太

澤澤當作淵文向上一夫接白肉際灸七壯治馬

黃黃疸等病

錢孔穴度乳至臍中屈肋頭骨是灸百壯治

黃疸

太衝穴針灸隨便治馬黃黃溫疫毒等病

○孫真人備急千金要方卷之三十四

孫真人備急千金要方卷之三十五 瘡五

傷寒方

溫瘡第六論瘡法符爻判法

論曰夫瘡者皆生於風夏傷於暑秋為瘡瘡

也問曰瘡先寒而後熱者何也對曰夫寒者

陰氣也風者陽氣也先傷於寒而後傷於風

故先寒而後熱也病以時作名曰寒瘡問曰

先熱而後寒者何也對曰先傷於風而後傷

於寒故先熱而後寒也亦以時作名曰溫瘡

○其但熱而不寒者陰氣先絕陽氣獨發則少

氣煩悶手足熱而欲嘔名曰瘡瘡問曰夫病

溫瘡與寒瘡而皆安舍舍於何藏對曰溫瘡

者得之冬中於風寒氣藏於骨髓之中至春

則陽氣大發邪氣不能自出因遇大暑腦髓

鏗肌肉消腠理發泄因有所用力邪氣與汗

皆出此病邪氣先藏於腎其氣先從內出之

於外也如是則陰虛而陽盛感則病矣衰則

氣復反入入則陽虛虛則寒矣故先熱而後

寒名曰溫瘡問曰瘡瘡何如對曰瘡瘡者肺